

დებულება

(ცვლილებებით დებულება დამტკიცებულია საქართველოს შოთა რუსთაველის თეატრისა და კინოს სახელმწიფო უნივერსიტეტის წარმომადგენლობითი საბჭოს მიერ 2011 წლის 13 ივნის ოქმი N8)

სსიპ საქართველოს შოთა რუსთაველის თეატრისა და კინოს სახელმწიფო უნივერსიტეტის სასწავლო-სამეცნიერო ბიბლიოთეკის დებულება

1. რეგულირების სფერო

1. სსიპ საქართველოს შოთა რუსთაველის თეატრისა და კინოს სახელმწიფო უნივერსიტეტის სასწავლო-სამეცნიერო ბიბლიოთეკის დებულება (შემდგომი: დებულება) განსაზღვრავს სასწავლო-სამეცნიერო ბიბლიოთეკის უფლებამოსილებას, საქმიანობის წესსა და დასაქმებულთა ფუნქციებს.
2. დებულების მოქმედება ვრცელდება სსიპ საქართველოს შოთა რუსთაველის თეატრისა და კინოს სახელმწიფო უნივერსიტეტის სასწავლო-სამეცნიერო ბიბლიოთეკაში დასაქმებულ პირებზე.

2. სასწავლო-სამეცნიერო ბიბლიოთეკის უფლებამოსილებაში შედის:

1. წიგნებით, სახელმძღვანელოებით, ჟურნალებით და სხვა ბეჭდური თუ ელექტრონული მასალით უნივერსიტეტის სასწავლო პროგრამების უზრუნველყოფა;
2. პირობების შექმნა განათლების მიღებისა და კვლევის ხელშეწყობისათვის;
3. სასწავლო-სამეცნიერო ფონდის გადახალისება, ახალი ტექნოლოგიების დანერგვის ორგანიზება;
4. მიღებული მასალის აღრიცხვა, ნუმერაცია, ელექტრონულ კატალოგებში და საძიებო სისტემაში შეტანა;
5. უნივერსიტეტის ხელმძღვანელობითი უფლებამოსილების მატარებელი პირის ადმინისტრაციულ-სამართლებრივი აქტით დაკისრებული ფუნქციის შესრულება.

3. სასწავლო-სამეცნიერო ბიბლიოთეკის სტრუქტურა

სასწავლო-სამეცნიერო ბიბლიოთეკის სტრუქტურა წარმოდგენილია:

1. დირექტორი;
2. ვიდეოცენტრის გამგე;
3. საშტატო ნუსხით გათვალისწინებული ან/და განსაზღვრული ფუნქციის შესასრულებლად მოწვეული სპეციალისტები.

სასწავლო-სამეცნიერო ბიბლიოთეკაში დასაქმებულებთან შრომითი ურთიერთობის დაწყება, შეჩერება და შეწყვეტა მიეკუთვნება უნივერსიტეტის ადმინისტრაციის ხელმძღვანელის უფლებამოსილებას.

4. სასწავლო-სამეცნიერო ბიბლიოთეკაში დასაქმებულთა ფუნქციები

სასწავლო-სამეცნიერო ბიბლიოთეკას ხელმძღვანელობს დირექტორი, ხოლო მისი დავალებით ან/და არყოფნის ან უფლებამოსილების შესრულების შეუძლებლობის შემთხვევაში – უნივერსიტეტის ხელმძღვანელობითი უფლებამოსილების მატარებელი პირის დავალებით – ერთ-ერთი სპეციალისტი.

დირექტორის უფლებამოსილებაში შედის:

1. სასწავლო-სამეცნიერო ბიბლიოთეკის ხელმძღვანელობა და წარმომადგენლობა უნივერსიტეტის სხვა სტრუქტურული ერთეულების ან/და თანამდებობის პირების წინაშე;
2. სასწავლო/სამეცნიერო ფონდის გადახალისება;
3. ახალი ტექნოლოგიების დანერგვის ორგანიზება;
4. ელექტრონული ბიბლიოთეკით სარგებლობის დანერგვა.

დირექტორს უფლება აქვს მის უფლებამოსილებაში შემავალი საკითხების ტექნიკური მომზადება დააკისროს სასწავლო-სამეცნიერო ბიბლიოთეკაში დასაქმებულ ნებისმიერ პირს.

ვიდეოცენტრის გამგის უფლებამოსილებაში შედის:

1. სტუდენტთა, პედაგოგთა, მაგისტრანტთა, დოქტორანტთა და დაინტერესებულ პირთა ვიზუალური და ელექტრონული კატალოგით მომსახურება თემატიკის მიხედვით. საუნივერსიტეტო ჩვენებების უზრუნველყოფა.
2. ტექნიკის დაცვა, ახალი მასალის მოძიება ინტერნეტის და კერძო პირებთან ურთიერთობის მეშვეობით. მოძიებული მასალის გაშიფვრა და კატალოგში შეტანა;

სპეციალისტების უფლებამოსილებაში შედის:

1. სასწავლო-სამეცნიერო ბიბლიოთეკით სარგებლობის წესით დადგენილ დროს და პირობებით განათლების მიღებისა და კვლევის ხელშეწყობის უზრუნველყოფა;
2. მიღებული მასალის აღრიცხვა, ნუმერაცია, ელექტრონულ კატალოგებში და საძიებო სისტემაში შეტანა;

3. სასწავლო-სამეცნიერო ბიბლიოთეკის დირექტორის მიერ დაკისრებული ფუნქციის შესრულება.

სპეციალისტებს შორის ფუნქციის განაწილებას ახდენს სასწავლო-სამეცნიერო ბიბლიოთეკის დირექტორი.

5. ძალაში შესვლა

დებულება ძალაშია დამტკიცებისთანავე.